



# SLUŽBENE NOVINE

# ZENIČKO - DOBOJSKOG KANTONA

Godina XIV - Broj 9

ZENICA, petak, 22.05.2009.

## SKUPŠTINA

151.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona, na 30. sjednici, održanoj dana 12.05.2009. godine, donosi

### ZAKON o porezu na imovinu, naslijeđe i poklon

#### DIO PRVI - OPĆE ODREDBE

##### Član 1. (Predmet)

Ovim zakonom uređuje se porez na imovinu, naslijeđe i poklon (u daljem tekstu: porez) na području Zeničko-dobojskog kantona (u daljem tekstu: Kanton), koji plaćaju fizička i pravna lica, postupak za utvrđivanje i naplatu, kao i postupak za povrat poreza.

##### Član 2. (Vrste poreza)

Ovim zakonom se propisuju slijedeći porezi:

- porez na imovinu,
- porez na naslijeđe i poklon.

##### Član 3. (Raspored prihoda)

Prihodi od poreza propisanih članom 2. ovog zakona se raspoređuju 100% u budžete općina.

#### DIO DRUGI – POREZ NA IMOVINU

##### Član 4. (Obveznici poreza na imovinu)

(1) Porez na imovinu plaćaju fizičko i pravno lice koji su vlasnici ili korisnici slijedeće imovine:

- poslovni prostora koji se izdaje pod zakup,
  - stambene zgrade ili stana koji se izdaju pod zakup,
  - garaže koja se izdaje pod zakup,
  - parking prostor koji se izdaje,
  - zgrade ili stana za odmor i rekreaciju,
  - putničkog automobila, osim taksi vozila,
  - motocikla.
- (2) Ako je imovina u vlasništvu više lica svako od njih je obveznik poreza srazmjerno dijelu vlasništva.

##### Član 5. (Način i visina plaćanja poreza na imovinu)

(1) Porez na imovinu plaća se godišnje u paušalnom iznosu za:

- poslovni prostor koji se izdaje pod zakup.....od 0,75 KM /m<sup>2</sup>,
- stambenu zgradu ili stan koji se izdaju pod zakup.....od 0,75 KM /m<sup>2</sup>,
- garažu koja se izdaje pod zakup.....od 1 KM/m<sup>2</sup>,
- parking prostor koji se izdaje.....od 1 KM/m<sup>2</sup>,
- za zgradu ili stan za odmor i rekreaciju .....od 1 KM/m<sup>2</sup>
- putnički automobil (osim taksi vozila):

	do 1600 kubika	preko 1600 kubika
1) do 2 godine starosti...	od 50 KM	od 100 KM,
2) od 2 do 5 godina starosti..	od 35 KM	od 70 KM,
3) od 5 do 10 godina starosti....	od 25 KM	od 50 KM,
4) preko 10 godina starosti.....	od 10 KM	od 20 KM.

g) za motocikl:

- do 2 godine starosti..... od 30 KM,
  - preko 2 godine starosti.....od 10 KM.
- (2) Porez na putnički automobil i motocikl plaća se godišnje u paušalnom iznosu pri registraciji vozila.
- (3) Bez dokaza o plaćenom porezu na imovinu vozilo se ne može registrovati.

**Član 6.****(Oslobađanje od plaćanja poreza na imovinu)**

Porez na imovinu ne plaćaju:

- a) Bosna i Hercegovina, Federacija Bosne i Hercegovine, Kanton, grad, općina, kao i njihovi organi, organizacije i institucije,
- b) strana država pod uslovom reciprociteta,
- c) invalidno lice, na jedan putnički automobil i to:
  - 1) RVI, ako je rješenjem nadležne komisije za utvrđivanje stepena invalidnosti prema propisima o invalidskom osiguranju utvrđeno tjelesno oštećenje od najmanje 70%, kao i za utvrđeni stepen invalidnosti od 50% i više, ako se radi o amputacijama i težim oštećenjima ekstremiteta, koja uslovljavaju upotrebu vozila prilagođenih invalidnim licima;
  - 2) ostala invalidna lica, ako je rješenjem nadležne komisije za utvrđivanje stepena invalidnosti prema propisima o invalidskom osiguranju utvrđeno tjelesno oštećenje od najmanje 80% posebno organa za kretanje, potpuni gubitak ili oštećenje vida, teži oblik retardiranosti ili paralize,
  - d) pravno i fizičko lice za poslovne prostore koje koriste prilikom obavljanja registrovane privredne djelatnosti,
  - e) obrazovna, zdravstvena, penzijska, naučna, kulturna, vjerska i humanitarna ustanova ili udruženje građana, ako poslovni prostor koriste za obavljanje registrovane djelatnosti.

**Član 7.****(Plaćanje poreza na imovinu pri promjeni vlasnika)**

Pri promjeni vlasnika imovine iz člana 4. ovog zakona u toku kalendarske godine, novi vlasnik ne plaća porez na imovinu ako je taj porez plaćen od strane ranijeg vlasnika.

**Član 8.****(Razrez poreza na imovinu)**

Razrez poreza na imovinu vrši se unosom godišnjeg zaduženja sa porezne prijave koju na propisanom obrascu podnosi porezni obveznik sa stanjem imovine na dan 01.01. godine za koju se vrši razrez.

**Član 9.****(Obaveza dostavljanja podataka)**

Nadležni općinski organ koji vodi evidenciju o imovini iz člana 4. ovog zakona dužan je dostaviti Poreznoj ispostavi Kantonalnog poreznog ureda (u daljem tekstu: Porezna ispostava) podatke o vlasniku i njegovoj imovini, a sve

promjene nastale u toku tekuće godine u roku od 15 dana od dana nastanka promjene vlasništva.

**DIO TREĆI – POREZ NA NASLIJEĐE I POKLON****Član 10.****(Predmet plaćanja poreza)**

- (1) Porez na naslijeđe i poklon plaća se na nekretninu koju nasljednik i poklonoprimalac nasljeđuje, primi na poklon ili stekne po drugoj osnovi bez naknade, kao i na pravo uživanja, odnosno korištenja na nekretninu koju fizičko lice stiče na teritoriji Kantona na osnovu Zakona o nasljeđivanju („Službeni list SR Bosne i Hercegovine“, broj 7/80 i 15/80), odnosno ugovora.
- (2) Porez na naslijeđe i poklon plaća se i na pokretnu stvar ako joj je pojedinačna ili ugovorena vrijednost veća od 2.000,00 KM.

**Član 11.****(Obveznik poreza)**

- (1) Obveznik poreza na naslijeđe i poklon je fizičko i pravno lice koje na teritoriji Kantona naslijedi ili primi na poklon imovinu na koju se plaća porez na naslijeđe i poklon.
- (2) Obveznik poreza na naslijeđe i poklon je i lice koje naslijedi ili primi na poklon pravo uživanja ili korištenja nekretnine.

**Član 12.****(Plaćanje poreza usljed odricanja od nasljedstva i poklona)**

Ako se nasljednik, odnosno poklonoprimalac odrekne nasljedstva ili poklona ili ga ustupi, porez na naslijeđe i poklon plaća lice kojem je nasljedstvo ili poklon pripalo, ili mu je ustupljeno.

**Član 13.****(Nastajanje obaveze plaćanja)**

- (1) Obaveza plaćanja poreza na naslijeđe i poklon nastaje u trenutku pravosnažnosti rješenja o nasljeđivanju, odnosno u trenutku prijema poklona.
- (2) Poklon se smatra primljenim u trenutku potpisivanja ugovora o poklonu, a ako ugovor nije zaključen, u trenutku prijema poklona.

**Član 14.****(Nastanak obaveze usljed opterećenosti nekretnine pravom uživanja)**

Ako je naslijeđena ili na poklon primljena nepokretna

imovina opterećena pravom uživanja, obaveza nasljednika, odnosno poklonoprimalca za plaćanje poreza na naslijeđe i poklon nastaje po prestanku prava uživanja.

### **Član 15. (Osnovica poreza)**

- (1) Osnovica poreza na naslijeđe i poklon je tržišna vrijednost naslijeđene ili na poklon primljene imovine u trenutku nastanka porezne obaveze nakon odbitka dugova i troškova koji terete imovinu na koju se plaća ovaj porez.
- (2) Osnovica iz stava (1) ovog člana umanjuje se i za iznos sredstava koja je nasljednik, odnosno poklonoprimalac uložio u imovinu koja je predmet naslijeđa ili poklona prije nastanka porezne obaveze.

### **Član 16. (Utvrđivanje tržišne vrijednosti)**

- (1) Pod tržišnom vrijednošću naslijeđene ili na poklon primljene imovine podrazumjeva se tržišna vrijednost iste koja se postiže ili se može postići na tržištu u trenutku nastanka porezne obaveze.
- (2) Tržišnu vrijednost iz stava (1) ovog člana procjenjuje stručna komisija (u daljem tekstu: Komisija) koju imenuje općinsko vijeće, a koju čine predsjednik i dva člana.
- (3) U Komisiju mogu biti imenovane osobe koje imaju VII stepen stručne spreme iz oblasti građevinarstva, arhitekture, geodezije, poljoprivrede, prava i ekonomije i najmanje pet godina radnog iskustva u struci i spremi.
- (4) Komisija se imenuje na period od 2 (dvije) godine.
- (5) Načelnik općine pravilnikom propisuje način rada Komisije, odnosno propisuje kriterije na osnovu kojih se vrši utvrđivanje tržišne vrijednosti naslijeđene ili na poklon primljene imovine.
- (6) Predsjedniku i članovima Komisije pripada naknada za rad u Komisiji u visini koju utvrđuje općinsko vijeće.
- (7) Vlasnik, odnosno korisnik naslijeđene ili na poklon primljene imovine dužan je Komisiji dopustiti pristup imovini radi procjene tržišne vrijednosti iste.

### **Član 17. (Stopa poreza)**

Porez na naslijeđe i poklon plaća se po stopi od 5%.

### **Član 18. (Oslobađanje od poreza)**

Porez na naslijeđe i poklon ne plaća:

- a) nasljednik, odnosno poklonoprimalac prvog nasljed-

nog reda, supružnik ako je drugog nasljednog reda, roditelj kada naslijeđuje i prima na poklon imovinu od djece i maloljetno dijete bez oba roditelja,

- b) nasljednik drugog nasljednog reda kada naslijeđuje ili prima na poklon jednu stambenu zgradu, odnosno jedan stan, pod uslovom da je sa ostaviocem u trenutku njegove smrti, odnosno sa poklonodavcem u trenutku primitka poklona, živio u zajedničkom domaćinstvu i da on i članovi njegove porodice nemaju drugi stan u vlasništvu,
- c) nasljednik drugog nasljednog reda kada naslijeđuje ili prima na poklon obradivo poljoprivredno zemljište, ako mu je poljoprivreda osnovno zanimanje,
- d) nasljednik, odnosno poklonoprimalac, brat i sestra pod uslovom da se ta imovina ne može otuđiti u roku od 5 godina,
- e) Država Bosna i Hercegovina, Federacija Bosne i Hercegovine, Kanton, grad, općina, njihovi organi i institucije, te ustanova ili udruženje građana vjerskog ili humanitarnog karaktera.

### **Član 19. (Oslobađanje predmeta od poreza)**

- (1) Porez na naslijeđe i poklon ne plaća se na:
  - a) predmete domaćinstva,
  - b) imovinu na koju nasljednik, odnosno poklonoprimalac ne može steći pravo vlasništva, pravo uživanja, odnosno korištenja,
  - c) imovinu koja je naslijeđena ili na poklon primljena, a koju porezni obveznik ustupi bez naknade Državi Bosni i Hercegovini, Federaciji Bosne i Hercegovine, Kantonu, gradu, općini, njihovim organima i institucijama, te ustanovi ili udruženju građana vjerskog ili humanitarnog karaktera.
- (2) Porez plaćen prije ustupanja naslijeđa ili poklona ne vraća se.

### **Član 20. (Oslobađanje od poreza između bivših supružnika)**

Porez na naslijeđe i poklon ne plaća se kad se uređuju imovinski odnosi bivših supružnika.

### **Član 21. (Organ razrezivanja poreza)**

- (1) Porez na naslijeđe i poklon razrezuje Porezna ispostava na čijem području se nalazi naslijeđena ili na poklon primljena imovina.
- (2) Ako naslijeđena imovina, odnosno poklon sadrži samo pokretnu imovinu, porez razrezuje nadležna Porezna ispostava u prebivalištu poreznog obveznika.

- (3) Ako se naslijeđena ili na poklon primljena nepokretna imovina nalazi na području dviju ili više općina, razrez poreza vrši Porezna ispostava prema mjestu gdje se imovina nalazi.

### **Član 22.**

#### **(Organi obavezni za dostavljenje rješenja i ugovora)**

Sudovi, organi uprave i notari dužni su rješenja o nasljeđivanju i ugovore o poklonu nepokretne i pokretne imovine dostaviti nadležnoj Poreznoj ispostavi u roku od 15 dana od dana pravosnažnosti rješenja, odnosno ovjere ugovora.

## **DIO ČETVRTI – PODNOŠENJE PRIJAVE, OBRAČUN I RAZREZ POREZA, ROK I MJESTO PLAĆANJA**

### **Član 23.**

#### **(Rok podnošenja porezne prijave na imovinu)**

- (1) Prijavu poreza na imovinu porezni obveznik je dužan podnijeti nadležnoj Poreznoj ispostavi do 31. januara tekuće godine prema stanju na dan 01. januara tekuće godine za koju se odnosi obaveza.
- (2) Za imovinu stečenu u toku godine prijava se podnosi u roku od 15 dana od dana sticanja te imovine, a porez se obračunava i razrezuje srazmjerno vremenu od dana sticanja imovine do kraja godine u odnosu na godišnje zaduženje.
- (3) Prijava za imovinu koja se izdaje pod zakup podnosi se sa danom izdavanja pod zakup.
- (4) Prijavu poreza na imovinu na motorna vozila obveznik podnosi prilikom registracije vozila.
- (5) Oblik i sadržaj porezne prijave iz stava (1) ovog člana propisuje ministar Ministarstva finansija Zeničko-dobojskog kantona (u daljem tekstu: Ministar finansija) Pravilnikom o primjeni odredaba Zakona o porezu na imovinu, naslijeđe i poklon.

### **Član 24.**

#### **(Rok i mjesto plaćanja poreza na imovinu)**

- (1) Porez na imovinu obveznik je dužan platiti u roku od 15 dana od krajnjeg roka za podnošenje porezne prijave, odnosno do 15. februara tekuće godine, a za imovinu stečenu u toku godine u roku od 15 dana od dana podnošenja prijave.
- (2) Porez na imovinu vozila plaća se pri registraciji vozila.
- (3) Porez na nepokretnu imovinu plaća se prema mjestu gdje se imovina nalazi, a porez na pokretnu imovinu plaća se prema mjestu prebivališta poreznog obveznika.

### **Član 25.**

#### **(Rok podnošenja porezne prijave na naslijeđe i poklon)**

Obveznici poreza na naslijeđe i poklon dužni su poreznu prijavu za razrez poreza podnijeti u roku od 15 dana od dana zaključivanja ugovora, odnosno od dana prijema rješenja o naslijeđu.

### **Član 26.**

#### **(Obveznici dostavljanja podataka)**

- (1) Banka, organ uprave, sud i drugo pravno i fizičko lice dužni su na zahtjev Porezne ispostave dostaviti podatke kojima raspolažu, ako su ti podaci od značaja za utvrđivanje njihove porezne obaveze ili poreznih obaveza drugih lica sa kojima su u poslovnom odnosu.
- (2) Nadležna općinska služba koja izdaje odobrenje za građenje i upotrebnu dozvolu dužna je primjerak odobrenja za nekretnine oporezive po ovom zakonu, dostaviti i Poreznoj ispostavi.

### **Član 27.**

#### **(Postupak usljed netačnosti podataka u prijavi)**

Ako Porezna ispostava u postupku razreza poreza ustanovi da podaci koje je obveznik poreza naveo u poreznoj prijavi ne odgovaraju stvarnom stanju, postupak utvrđivanja poreza na imovinu utvrdit će se shodno odredbama Zakona o poreznoj upravi Federacije Bosne i Hercegovine („Službene novine Federacije Bosne i Hercegovine“, broj 33/02 i 28/04, u daljem tekstu: Zakon o poreznoj upravi).

### **Član 28.**

#### **(Rok za donošenje rješenja o utvrđivanju, odnosno oslobađanju od poreza na naslijeđe i poklon)**

Nadležna Porezna ispostava u roku od 30 dana od dana prijema prijave, pravosnažnog rješenja ili ugovora, donosi rješenje o utvrđivanju, odnosno oslobađanju od poreza na naslijeđe i poklon.

### **Član 29.**

#### **(Rok i mjesto plaćanja poreza na naslijeđe i poklon)**

- (1) Porez na naslijeđe i poklon plaća se u roku od 90 dana od dana prijema rješenja.
- (2) Porez na naslijeđe i poklon za nekretnine plaća se prema mjestu gdje se ta nekretnina nalazi, a za pokretnu imovinu prema mjestu prebivališta poreznog obveznika.

**DIO PETI – PRINUDNA NAPLATA, KAMATA, POVRAT, ŽALBA I ZASTARA****Član 30.****(Primjena Zakona o poreznoj upravi u Federaciji Bosne i Hercegovine)**

- (1) Na pitanja zastarjelosti razreza, prinudne naplate poreza i kamata, povrata pogrešno ili više plaćenog poreza, plaćene kamate, troškova prinudne naplate i žalbenog postupka, primjenjivat će se odgovarajuće odredbe Zakona o poreznoj upravi.
- (2) Prekršajni postupak ne može se pokrenuti niti voditi kada prođe tri godine od dana kada je prekršaj izvršen.

**Član 31.****(Nadzor nad obračunavanjem i plaćanjem poreza)**

Nadzor nad obračunavanjem i plaćanjem poreza utvrđenim ovim zakonom vrši nadležna Porezna ispostava.

**DIO ŠESTI - KAZNE NE ODREDBE****Član 32.****(Kaznene odredbe za pravno lice, organ uprave, odnosno notara)**

- (1) Novčanom kaznom u visini od 500,00 KM do 15.000,00 KM kaznit će se pravno lice, organ uprave, odnosno notar ako:
  - a) ne dostavi podatke o vlasniku i njegovoj imovini (član 9.),
  - b) u roku ne dostavi rješenje o nasljeđivanju ili ugovor o poklonu (član 22.),
  - c) ne podnese ili u roku ne podnese prijavu za razrez poreza (član 23. i 25.),
  - d) u roku ne plati porez (član 24. i 29.),
  - e) na zahtjev Porezne ispostave ne dostavi podatke kojima raspolaže (član 26.),
  - f) ne dozvoljava ili ometa izvršenje postupka prinudne naplate (član 30.).
- (2) Novčanom kaznom za prekršaj propisan u stavu (1) ovog člana kaznit će se i odgovorno lice u pravnom licu, odnosno organu uprave, u visini od 50,00 KM do 3.000,00 KM.

**Član 33.****(Kaznene odredbe za fizičko lice)**

Novčanom kaznom od 20,00 KM do 1.500,00 KM kaznit će se za prekršaj porezni obveznik fizičko lice ako:

- a) ne podnese ili u roku ne podnese prijavu za razrez poreza (član 23. i 25.),

- b) u roku ne plati porez (član 24. i 29.),
- c) na zahtjev Porezne ispostave ne dostavi podatke kojima raspolaže (član 26.),
- d) ne dozvoljava ili ometa izvršenje postupka prinudne naplate (član 30.).

**DIO SEDMI - PRIJELAZNE I ZAVRŠNE ODREDBE****Član 34.****(Obaveze do stupanja na snagu ovog zakona)**

Porezne obaveze koje su nastale do dana stupanja na snagu ovog zakona izvršit će se prema propisima koji su važili u momentu nastanka porezne obaveze.

**Član 35.****(Rok za donošenje pravilnika)**

Načelnik općine će u roku od 30 dana od dana stupanja na snagu ovog zakona donijeti Pravilnik o načinu rada Komisije i kriterijima na osnovu kojih se vrši utvrđivanje tržišne vrijednosti naslijeđene ili na poklon primljene imovine iz člana 16. stav (5) ovog zakona.

**Član 36.****(Provedbeni propisi)**

Ministar finansija donijet će pravilnik iz člana 23. stav (5) ovog zakona u roku od 30 dana od dana stupanja na snagu istog.

**Član 37.****(Primjena podzakonskih propisa koji su u primjeni)**

Podzakonski propisi doneseni na osnovu propisa koji su u primjeni do dana stupanja na snagu ovog zakona, primjenjivat će se do donošenja novih u skladu sa ovim zakonom ukoliko nisu u suprotnosti sa istim.

**Član 38.****(Rok za podnošenje porezne prijave za imovinu koja se oporezuje po ovom zakonu)**

Porezni obveznici koji na dan stupanja na snagu ovog zakona imaju imovinu koja se oporezuje po ovom zakonu, a za istu nisu podnijeli poreznu prijavu, dužni su istu podnijeti u roku od 30 dana od dana stupanja na snagu ovog zakona.

**Član 39.****(Primjena federalnih propisa)**

Ako ovim zakonom pojedina pitanja iz oblasti poreza

nisu regulisana shodno se primjenjuju federalni propisi iz ove oblasti.

**Član 40.**  
**(Prestanak važenja propisa)**

Danom stupanja na snagu ovog zakona prestaje da važi Zakon o porezima Zeničko-dobojskog kantona-Prečišćeni tekst („Službene novine Zeničko-dobojskog kantona“, broj 13/08).

**Član 41.**  
**(Stupanje na snagu)**

Ovaj zakon stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 01-02-12601/09  
Datum, 13.05.2009. godine  
Zenica

**PREDSJEDAVALAČI**  
**Sejad Zaimović, s.r.**  
.....

152.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 30. sjednici održanoj 12.05.2009. godine, donosi

**ZAKON**  
**o izmjeni i dopuni Zakona o policijskim službenicima Zeničko-dobojskog kantona**

**Član 1.**

U Zakonu o policijskim službenicima Zeničko-dobojskog kantona („Službene novine Zeničko-dobojskog kantona“ broj: 8/06 i 20/07) u članu 130. u stavu (1) riječi „31. jula 2007.“ zamjenjuju se riječima „31. decembra 2010.“

**Član 2.**

Nakon člana 130. dodaje se novi član 130a. koji glasi:

**„Član 130a.**  
**(Prelazna odredba o izuzimanju od osnovne obuke)**

Izuzetno od odredbi Zakona o policijskim službenicima Zeničko-dobojskog kantona, u roku od šest mjeseci od dana stupanja na snagu ovog zakona, policijski organ može

izuzeti od primjene članove 55. i 56. Zakona o policijskim službenicima Zeničko-dobojskog kantona, za kandidate za policijske službenike koji zadovoljavaju slijedeće uslove:

- da su uspješno prošli proces odabira u skladu sa odredbama dijela III, poglavlje II, odjeljak C Zakona o policijskim službenicima Zeničko-dobojskog kantona i
- da su završili osnovnu policijsku obuku, na koju su upućeni od strane Ministarstva unutrašnjih poslova Zeničko-dobojskog kantona, nakon stupanja na snagu Zakona o policijskim službenicima Zeničko-dobojskog kantona.”

**Član 3.**

Ovaj zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-12604/09  
Datum, 13.05.2009. godine  
Zenica

**PREDSJEDAVALAČI**  
**Sejad Zaimović, s.r.**  
.....

153.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 30. sjednici održanoj 12.05.2009. godine, donosi

**ZAKON**  
**o izmjenama Zakona o unutrašnjim poslovima Zeničko-dobojskog kantona**

**Član 1.**

U Zakonu o unutrašnjim poslovima Zeničko-dobojskog kantona – prečišćeni tekst („Službene novine Zeničko-dobojskog kantona“, broj: 15/04 i 11/05), u članu 28. stav 5. riječ „glavnog“ zamjenjuje se riječju „samostalnog“, a riječ «dvije» zamjenjuje se riječju «tri».

**Član 2.**

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-12602/09  
Datum, 13.05.2009. godine  
Zenica

**PREDSJEDAVALAČI**  
**Sejad Zaimović, s.r.**  
.....

**154.**

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 30. sjednici održanoj 12.05.2009. godine, donosi

**ZAKON**  
**o izmjeni Zakona o policijskim službenicima**  
**Zeničko-dobojskog kantona**

**Član 1.**

U Zakonu o policijskim službenicima Zeničko-dobojskog kantona („Službene novine Zeničko-dobojskog kantona“, broj: 8/06 i 20/07), u članu 59. stav 1. riječ „glavnog“ zamjenjuje se riječju „samostalnog“.

**Član 2.**

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-12603/09

**PREDSJEDAVALA**

Datum, 13.05.2009. godine

Zenica

**Sejad Zaimović, s.r.**

.....

**VLADA****155.**

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2009. godinu («Službene novine Zeničko-dobojskog kantona», broj 5/09), Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

**O D L U K U**

**o uvećanju sredstava u Budžetu Zeničko-**  
**dobojskog kantona za 2009. godinu**

**Član 1.**

Odobrava se uvećanje sredstava u Budžetu Zeničko-dobojskog kantona za 2009. godinu («Službene novine Zeničko-dobojskog kantona», broj: 5/09) za budžetskog korisnika iz nadležnosti Ministarstva za obrazovanje, nauku, kulturu i sport – KŠC »Don Bosco» Srednja mješovita škola Žepče.

Uvećanje sredstava u Budžetu Zeničko-dobojskog kan-

tona za 2009. godinu, vrši se na sljedeći način:

- na razdjelu 22, budžetska organizacija 03, potrošačka jedinica 0033 – KŠC »Don Bosco» Srednja mješovita škola Žepče – sredstva na poziciji 821300 – Nabavka opreme - Plan izdaci iz donacija 2009. godina uvećavaju se za 4.092,00 KM,
- u Budžetu Zeničko-dobojskog kantona za 2009. godinu u dijelu A. PRIHODI u koloni Plan 2009. godina sredstva na poziciji 722751 – Prilježene namjenske donacije neplanirane u budžetu, uvećavaju se za 4.092,00 KM.

**Član 2.**

Odobrena donatorska sredstva od strane fondacije „Kri-la nade“ iz Minhena, škola će utrošiti za opremanje kabineta za praktičnu nastavu učenika. Škola je dužna sačiniti izvještaj o utrošenim sredstvima te dostaviti Ministarstvu finansija putem resornog ministarstva najkasnije 7 (sedam) dana nakon utroška sredstava.

**Član 3.**

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija.

**Član 4.**

Ova Odluka stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-14-11479/09.

**PREMIJER**

Datum, 16.04.2009. godine

Zenica

**Miralem Galijašević, s.r.**

.....

**156.**

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2009. godinu («Službene novine Zeničko-dobojskog kantona», broj 5/09), Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

**O D L U K U**

**o uvećanju sredstava u Budžetu Zeničko-**  
**dobojskog kantona za 2009. godinu**

**Član 1.**

Odobrava se uvećanje sredstava u Budžetu Zeničko-do-

bojskog kantona za 2009. godinu («Službene novine Zeničko-dobojskog kantona», broj: 5/09) za budžetskog korisnika iz nadležnosti Ministarstva za obrazovanje, nauku, kulturu i sport – Tehnička škola Zenica.

Uvećanje sredstava u Budžetu Zeničko-dobojskog kantona za 2009. godinu, vrši se na slijedeći način:

- na razdjelu 22, budžetska organizacija 03, potrošačka jedinica 0024 – Tehnička škola Zenica – sredstva na poziciji 821300 – Nabavka opreme - Plan izdaci iz donacija 2009. godina uvećavaju se za 1.600,00 KM,
- u Budžetu Zeničko-dobojskog kantona za 2009. godinu u dijelu A. PRIHODI u koloni Plan 2009. godina sredstva na poziciji 732116 – Primljeni grantovi od općina, uvećavaju se za 1.600,00 KM.

### Član 2.

Odobrena donatorska sredstva od strane Općine Zenica, škola će utrošiti za nabavku opreme za potrebe školske dvorane. Škola je dužna sačiniti izvještaj o utrošenim sredstvima te dostaviti Ministarstvu finansija putem resornog ministarstva najkasnije 7 (sedam) dana nakon utroška sredstava.

### Član 3.

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija.

### Član 4.

Ova Odluka stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-14-11480/09.

**PREMIJER**

Datum, 16.04.2009. godine

Zenica

**Miralem Galijašević, s.r.**

.....

### 157.

Na osnovu člana 16. stav 2. Zakona o Vladi Zeničko-dobojskog kantona («Službene novine Zeničko-dobojskog kantona», broj 16/00, 7/05 i 4/06), a u vezi sa članom 51. Zakona o izvršavanju Budžeta Zeničko-dobojskog kantona za 2009. godinu («Službene novine Zeničko-dobojskog kantona», broj 5/09), Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

## O D L U K U

### o uvećanju sredstava u Budžetu Zeničko-dobojskog kantona za 2009. godinu

#### Član 1.

Odobrava se uvećanje sredstava u Budžetu Zeničko-dobojskog kantona za 2009. godinu («Službene novine Zeničko-dobojskog kantona», broj: 5/09) za budžetskog korisnika iz nadležnosti Ministarstva za obrazovanje, nauku, kulturu i sport – Osnovna škola »Mula Mustafa Bašeskija» Kakanj.

Uvećanje sredstava u Budžetu Zeničko-dobojskog kantona za 2009. godinu, vrši se na slijedeći način:

- na razdjelu 22, budžetska organizacija 02, potrošačka jedinica 0009 – Osnovna škola »Mula Mustafa Bašeskija» Kakanj – sredstva na poziciji 821600 – Rekonstrukcija i investiciono održavanje - Plan izdaci iz donacija 2009. godina, uvećavaju se za 4.000,00 KM,
- na razdjelu 22, budžetska organizacija 02, potrošačka jedinica 0009 – Osnovna škola »Mula Mustafa Bašeskija» Kakanj – sredstva na poziciji 821300 – Nabavka opreme - Plan izdaci iz donacija 2009. godina, uvećavaju se za 200,00 KM,
- na razdjelu 22, budžetska organizacija 02, potrošačka jedinica 0009 – Osnovna škola »Mula Mustafa Bašeskija» Kakanj – sredstva na poziciji 613400 – Nabavka materijala - Plan izdaci iz donacija 2009. godina, uvećavaju se za 200,00 KM,
- na razdjelu 22, budžetska organizacija 02, potrošačka jedinica 0009 – Osnovna škola »Mula Mustafa Bašeskija» Kakanj – sredstva na poziciji 613900 (MBC 902) – Ostale ugovorene usluge - Plan izdaci iz donacija 2009. godina, uvećavaju se za 600,00 KM,
- u Budžetu Zeničko-dobojskog kantona za 2009. godinu u dijelu A. PRIHODI u koloni Plan 2009. godina sredstva na poziciji 722751 – Primljene namjenske donacije neplanirane u budžetu, uvećavaju se za 5.000,00 KM.

#### Član 2.

Primljena donatorska sredstva Osnovna škola »Mula Mustafa Bašeskija» Kakanj namjenski će utrošiti za održavanje škole i nabavku neophodne opreme i materijala. Škola je dužna sačiniti izvještaj o utrošenim sredstvima te dostaviti Ministarstvu finansija putem resornog ministarstva najkasnije 7 (sedam) dana nakon utroška sredstava.

#### Član 3.

Za realizaciju ove Odluke zadužuju se Ministarstvo za obrazovanje, nauku, kulturu i sport i Ministarstvo finansija.



**Član 4.**

Ova Odluka stupa na snagu danom donošenja, a objavit će se u «Službenim novinama Zeničko-dobojskog kantona».

Broj: 02-14-11481/09.

**PREMIJER**

Datum, 16.04.2009. godine

Zenica

**Miralem Galijašević, s.r.**  
.....**158.**

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06), Vlada Zeničko-dobojskog kantona, na 123. sjednici, održanoj 28.04.2009. godine, donosi

**O D L U K U**

**o odobravanju sredstava za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini**

**Član 1.****(predmet odluke)**

Odobravaju se sredstva u iznosu od 1.000.000,00 KM (slovima: milion konvertibilnih maraka) za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini.

**Član 2.****(sredstva za realizaciju)**

Sredstva iz tačke I. ove odluke odobrena su u Budžetu Zeničko-dobojskog kantona za 2009. godinu, u razdjelu 22, budžetska organizacija 01, potrošačka jedinica 0001 – Ministarstvo za obrazovanje, nauku, kulturu i sport, ekonomski kod 614200, subanalitika MAD 202, pozicija "Transfer za stipendiranje studenata".

**Član 3.****(kriteriji)**

- (1) Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, utvrđuje Kriterije za dodjelu stipendija, koji su sastavni dio ove odluke.
- (2) Ministarstvo za obrazovanje, nauku, kulturu i sport na

osnovu Kriterija raspisuje konkurs za dodjelu stipendija.

**Član 4.****(korisnici)**

Pravo učešća na konkursu imaju svi redovni studenti (redovni koje finansira osnivač i redovni samofinansirajući), koji su u toku srednjoškolskog obrazovanja, od I do IV razreda, ostvarili prosječan uspjeh najmanje vrlo-dobar (studenti prve godine) i studenti koji su u toku studija ostvarili prosječnu ocjenu najmanje 7, odnosno 3 (studenti druge i viših godina).

**Član 5.****(iznos stipendije)**

- (1) Visina stipendije po jednom korisniku određuje se u dva jednaka bespovratna iznosa od po 350,00 KM (slovima: tristotinepedeset konvertibilnih maraka).
- (2) Isplata će se izvršiti po završetku konkursne procedure, putem tekućeg računa studenta, a prema konačnim spiskovima, dostavljenim od strane Ministarstva za obrazovanje, nauku, kulturu i sport Zeničko-dobojskog kantona.

**Član 6.****(realizacija odluke)**

Za realizaciju ove odluke zadužuju se Ministarstvo za obrazovanje, nauku, kulturu i sport i Ministarstvo finansija, svako u okviru svoje nadležnosti.

**Član 7.****(stupanje na snagu)**

Odluka stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-38-11528/09.

**PREMIJER**

Datum, 28.04.2009. godine

Zenica

**Miralem Galijašević, s.r.**  
.....**159.**

Na osnovu člana 16. stav 2. Zakona o Vladi Zeničko-dobojskog kantona ("Službene novine Zeničko-dobojskog kantona" broj 16/00, 7/05 i 4/06) i člana 22. Zakona o izvršavanju Budžeta Zeničko-dobojskog kantona za 2009. godinu („Službene novine Zeničko-dobojskog kantona“, broj 5/09), Vlada Zeničko-dobojskog kantona, na 124. sjednici, održanoj 06.05.2009. godine, donosi

**ODLUKU****o raspodjeli sredstava za klubove poslanika političkih stranaka za II kvartal 2009. godine****Član 1.  
(Predmet)**

Odobrava se isplata sredstava u iznosu od 75.000,00 KM (slovima: sedamdesetpethiljada konvertibilnih maraka) za klubove poslanika političkih stranaka u Skupštini Zeničko-dobojskog kantona za II kvartal 2009. godine.

**Član 2.  
(Osnov za isplatu)**

Isplata sredstava iz člana 1. ove odluke će se izvršiti na osnovu Budžeta Zeničko-dobojskog kantona za 2009. godinu („Službene novine Zeničko-dobojskog kantona“, broj 5/09), sa razdjela 10, budžetska organizacija 01, potrošačka jedinica 0001 - Skupština Kantona, ekonomski kod 614300 «Transfer za klubove poslanika političkih stranaka».

**Član 3.  
(Način rasporeda sredstava)**

Sredstva iz člana 1. ove odluke raspoređuju se tako da se iznos od 22.500,00 KM (30% od ukupno odobrenih sredstava) raspoređuje jednako svim klubovima poslanika političkih stranaka, a iznos od 52.500,00 KM (70% od ukupno odobrenih sredstava) raspoređuje se klubovima poslanika političkih stranaka srazmjerno broju poslaničkih mjesta, dodijeljenih od strane Centralne izborne komisije Bosne i Hercegovine.

**Član 4.  
(Realizacija Odluke)**

Za realizaciju ove odluke zadužuju se Ministarstvo finansija i Stručna služba Skupštine Zeničko-dobojskog kantona.

**Član 5.  
(Stupanje na snagu)**

Odluka stupa na snagu danom narednog dana od dana objavljivanja u «Službenim novinama Zeničko-dobojskog kantona», a primjenjivat će se danom donošenja.

Broj: 02-14-12425/09.

Datum, 06.05.2009. godine

Zenica

**PREMIJER****Miralem Galijašević, s.r.****160.**

Na osnovu člana 3. Odluke o odobravanju sredstava za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini, broj 02-38-11528/09 od 28.04.2009. godine, Vlada Zeničko-dobojskog kantona, na 123. sjednici, održanoj 28.04.2009. godine, u t v r đ u j e

**K R I T E R I J E  
za dodjelu stipendija redovnim studentima  
dodiplomskog studija sa područja  
Zeničko-dobojskog kantona u akademskoj  
2008/2009. godini****Član 1.  
(korisnici)**

U skladu sa Odlukom o odobravanju sredstava za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini, iz Budžeta Zeničko-dobojskog kantona za 2009. godinu dodijelit će se stipendije redovnim studentima dodiplomskog studija sa prebivalištem na području Zeničko-dobojskog kantona, koji ispunjavaju uvjete utvrđene ovim kriterijima i konkursom.

**Član 2.  
(pravo učešća)**

- (1) Pravo učešća na konkursu imaju:
  - a) redovni studenti (bez obzira na način finansiranja redovnog studija), državljani Bosne i Hercegovine koji studiraju na visokoškolskim ustanovama u Bosni i Hercegovini, kao i izvan Bosne i Hercegovine, a imaju prebivalište na području Zeničko-dobojskog kantona,
  - b) studenti prve godine koji su u toku srednjoškolskog obrazovanja, ostvarili prosječan uspjeh najmanje vrlo-dobar,
  - c) studenti druge i viših godina studija koji su u prethodnim godinama studija ostvarili prosječnu ocjenu najmanje 7, odnosno, 3.
- (2) Pravo učešća na konkursu nemaju:
  - a) studenti koji koriste smještaj u studentskim domovima u Federaciji Bosne i Hercegovine,
  - b) studenti koji primaju kredit ili stipendiju po bilo kojoj drugoj osnovi,
  - c) studenti koji ponovo upisuju istu godinu na istom ili na drugom fakultetu,
  - d) studenti u statusu apsoluta.

### **Član 3. (iznos stipendije)**

Stipendija se dodjeljuje za tekuću akademsku godinu u dva jednaka bespovratna iznosa od po 350,00 KM (slovi-ma: tristotinepedeset konvertibilnih maraka).

### **Član 4. (lista kandidata)**

(1) Lista kandidata za dodjelu stipendija biće sačinjena na osnovu ostvarenog broja bodova po slijedećim kriteri-jima: ostvareni uspjeh, godina studija i ekonomsko-so-cijalna situacija.

#### **(2) OSTVARENI USPJEH (STUDENTI PRVE GODINE)**

- a) Ostvareni uspjeh u srednjoj školi: studenti koji su u toku srednjoškolskog obrazovanja ostvarili uspjeh odličan ili vrlo-dobar (bodovanje će biti izvršeno tako što se za odličan uspjeh prosječna ocjena uvećava za 4 i množi sa koeficijentom 5, a za vrlo-dobar uspjeh uvećava za 3 i množi sa koeficijentom 5);
- b) studenti prve godine koji su bili učenici generacije u srednjoj školi (25 bodova);

#### **(3) STUDENTI DRUGE I VIŠIH GODINA STUDIJA**

- a) studenti koji su u prethodnim godinama studija ostva-rili najmanje prosječnu ocjenu 7, odnosno, 3 (bodo-vanje će biti izvršeno tako što se prosječna ocjena množi sa koeficijentom 5);
- b) studentima koji su ostvarili najmanje prosječnu ocje-nu 9, odnosno 4,5, pored množenja sa koeficijentom 5, dodaje se još 5 bodova.

#### **(4) GODINA STUDIJA**

- a) studenti druge godine - 4 boda
- b) studenti treće godine - 6 bodova
- c) studenti četvrtе godine - 8 bodova
- d) studenti pete godine - 10 bodova
- e) studenti šeste godine - 12 bodova

#### **(5) EKONOMSKO-SOCIJALNA SITUACIJA**

Bodovanje će se izvršiti na osnovu ukupnih mjesečnih primanja porodice, a prema kućnoj listi i priloženom do-kazu o statusu za svakog punoljetnog člana domaćinstva, kako slijedi:

- a) do 60 KM - 25 bodova
- b) 61 KM – 100 KM - 20 bodova
- c) 101 KM – 150 KM - 15 bodova
- d) 151 KM – 200 KM - 10 bodova
- e) 201 KM – 250 KM - 5 bod
- f) 251 KM - 300 KM - 1 bod
- g) studenti bez oba roditelja - 10 bodova.

### **Član 5. (lista prioriteta)**

U slučaju kada se pojavi veći broj kandidata za dodje-lu stipendija, Ministarstvo za obrazovanje, nauku, kulturu i sport Zeničko-dobojskog kantona utvrđuje listu prioriteta prema odredbama tačke 4. ovih kriterija.

### **Član 6. (konkursna procedura)**

(1) Stipendije se dodjeljuju na osnovu konkursa koji se objavljuje u jednom od dnevnih listova i u listu „Naša riječ“, na općinskim oglasnim pločama i na službenoj web stranici Zeničko-dobojskog kantona.

(2) Prijave na konkurs sa potrebnom dokumentacijom kandidati dostavljaju resorno zaduženim službama za društvene djelatnosti općine u kojoj imaju prebivalište. Izbor kandidata za dodjelu stipendija vrši komisija općinske službe.

(3) Rukovodilac nadležne općinske službe rješenjem formira komisiju koja će izvršiti bodovanje i rangiranje kandidata, te objaviti preliminarnu listu prema broju bodova, ostvarenim na konkursu.

(4) Sve eventualne PRIGOVORE (obrazložene i utemelje-ne na dokazima) na preliminarnu listu, kandidati mogu podnijeti nadležnoj općinskoj službi u roku od 8 dana od objavljivanja na oglasnoj ploči matične općine.

(5) Nakon razmatranja podnesenih prigovora, komisija sačinjava konačnu preliminarnu listu na koju kandidati imaju mogućnost ulaganja ŽALBE. Žalba se podno-si Ministarstvu za obrazovanje, nauku, kulturu i sport Zeničko-dobojskog kantona putem nadležne općinske službe u roku od 8 dana od objavljivanja konačne preli-minarne liste na oglasnoj ploči matične općine.

### **Član 7. (način isplate sredstava)**

(1) Isplatu sredstava vršit će nadležne općinske službe, a prema konačnim listama, dostavljenim od strane Mini-starstva za obrazovanje, nauku, kulturu i sport Zeničko-dobojskog kantona. Doznačena sredstva isplaćivat će se putem tekućeg računa studenta.

(2) Nadležna općinska služba dužna je dostaviti Ministar-stvu izvještaj po isplati doznačenih sredstava.

### **Član 8. (objavljivanje kriterija)**

Kriteriji za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini objavit će se na općinskim oglasnim pločama i na web stranici Zeničko-

dobojskog kantona.

Broj: 02-38-11528-1/09.

**PREMIJER**

Datum, 28.04.2009. godine

Zenica

**Miralem Galijašević, s.r.**  
.....**161.**

Na osnovu člana 16. stav 3. Zakona o Vladi Zeničko - dobojskog kantona ("Službene novine Zeničko-dobojskog kantona", broj: 16/00, 7/05 i 4/06) i članova 1. i 8. Uredbe o vršenju ovlaštenja organa Zeničko-dobojskog kantona u privrednim društvima sa udjelom državnog kapitala ("Službene novine Zeničko-dobojskog kantona", broj: 5/06, 4/07), a u skladu sa članom 4. stav 2. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije Bosne i Hercegovine", broj: 34/03), Vlada Zeničko-dobojskog kantona, na 122. sjednici, održanoj 22.04.2009. godine, d o n o s i

**RJEŠENJE**

**o privremenom nominiranju za člana  
Nadzornog odbora u "Natron - Hayat" d.o.o.  
Maglaj**

**I.**

Za člana Nadzornog odbora "Natron - Hayat" d.o.o. Maglaj, a do okončanja postupka izbora, kojim će se utvrditi nominiranje po postupku i uz poštivanje primjene principa propisanih Zakonom o ministarskim, vladinim i drugim imenovanjima Federacije Bosne i Hercegovine, privremeno se nominira, na period do 60 dana:

1. Ferid Smajlagić, član

**II.**

Rješenje stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-34-11041/09.

**PREMIJER**

Datum, 22.04.2009. godine

Zenica

**Miralem Galijašević, s.r.**  
.....**162.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj 16/00, 7/05 i 4/06.) i člana 11. stav (1) Zakona o Agenciji za privatizaciju Zeničko-dobojskog kantona ("Službene novine Zeničko-dobojskog kantona", broj 4/97, 15/97 i 6/01), Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

**R J E Š E N J E**

**o razrješenju člana Upravnog odbora  
Agencije za privatizaciju Zeničko-dobojskog  
kantona**

**I.**

Šefkija Botonjić razrješava se dužnosti člana Upravnog odbora Agencije za privatizaciju Zeničko-dobojskog kantona, na lični zahtjev.

**II.**

Rješenje stupa na snagu danom donošenja i objavit će se u "Službenim novinama Zeničko-dobojskog kantona".

Broj: 02-34-11467/09.

**PREMIJER**

Datum, 16.04.2009. godine

Zenica

**Miralem Galijašević, s.r.**  
.....**163.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06), u skladu sa članom 26. Zakona o ustanovama ("Službeni list R BiH", broj: 6/92, 8/93, i 13/94), a u vezi sa članom 129. stav 2. Zakona o srednjoj školi ("Službene novine Zeničko-dobojskog kantona", broj: 5/04 i 20/07), Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

**R J E Š E N J E**

**o razrješenju člana Školskog odbora  
Osnovne škole "9. septembar",  
Medakovo, Tešanj**

**I.**

Razrješava se članstva u Školskom odboru Osnovne škole "9 septembar", Medakovo, Tešanj:

- Ibrahimkadić Zahid – predsjednik iz reda Osnivača, na lični zahtjev.

**II.**

Rješenje stupa na snagu danom donošenja, a objavit će se u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-38-11474/09.

**PREMIJER**

Datum, 16.04.2009. godine

Zenica

**Miralem Galijašević, s.r.**  
.....

**164.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06), u skladu sa članom 26. Zakona o ustanovama ("Službeni list R BiH", broj: 6/92, 8/93, i 13/94), a u vezi sa članom 129. stav 2. Zakona o srednjoj školi ("Službene novine Zeničko-dobojskog kantona", broj: 5/04 i 20/07), Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

**R J E Š E N J E****o razrješnju člana Školskog odbora Mješovite srednje škole "Nordbat-2", Vareš****I.**

Razrješava se član Školskog odbora Mješovite srednje škole "Nordbat-2", Vareš:

- Petrović Damir, član – iz reda nastavnika, stručnih saradnika i osoblja škole, na lični zahtjev.

**II.**

Rješenje stupa na snagu narednog dana od dana objavljivanja u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-38-11476/09.

**PREMIJER**

Datum, 16.04.2009. godine

Zenica

**Miralem Galijašević, s.r.**  
.....**165.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06), u skladu sa članom 26. Zakona o ustanovama ("Službeni list R BiH", broj: 6/92, 8/93, i 13/94), a u vezi sa članom 129. stav 2. Zakona o srednjoj školi ("Službene novine Zeničko-dobojskog kantona", broj: 5/04 i 20/07), Vlada Zeničko-dobojskog kantona, na 120. sjednici, održanoj 16.04.2009. godine, donosi

**R J E Š E N J E****o razrješnju člana Školskog odbora Gimnazija "Muhsin Rizvić", Breza****I.**

Razrješava se član Školskog odbora Gimnazije "Muhsin Rizvić", Breza:

- Zahirović Safet, član – iz reda roditelja, na zahtjev Vijeća roditelja škole.

**II.**

Rješenje stupa na snagu narednog dana od dana objavljivanja u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-38-11478/09.

**PREMIJER**

Datum, 16.04.2009. godine

Zenica

**Miralem Galijašević, s.r.**  
.....**166.**

Na osnovu člana 16. stav 3. Zakona o Vladi Zeničko-dobojskog kantona ("Službene novine Zeničko-dobojskog kantona", broj: 16/00, 7/05 i 4/06) i člana 25. Zakona o ustanovama ("Službeni list R BiH", broj: 6/92, 8/93, i 13/94), a u skladu sa članom 12. stav 3. Zakona o ministarskim, vladinim i drugim imenovanjima u Federaciji Bosne i Hercegovine ("Službene novine Federacije Bosne i Hercegovine", broj: 12/03 i 34/03) i članom 129. stav 2. Zakona o srednjoj školi ("Službene novine Zeničko-dobojskog kantona", broj: 5/04 i 20/07), a nakon provedenog postupka izbora od strane Vijeća roditelja, na sjednici održanoj 26.03.2009. godine, Vlada Zeničko-dobojskog kantona, na 120. sjednici, održanoj 16.04.2009. godine, d o n o s i

**R J E Š E N J E****o konačnom imenovanju člana školskog odbora Gimnazija "Muhsin Rizvić", Breza****I.**

Imenuje se član Školskog odbora Gimnazije „Muhsin Rizvić”, Breza, na period do isteka mandata Školskog odbora:

- Čolan Amir, član – iz reda roditelja.

**II.**

Rješenje stupa na snagu narednog dana od dana objavljivanja u "Službenim novinama Zeničko-dobojskog kantona" i "Službenim novinama Federacije Bosne i Hercegovine".

Broj: 02-38-11477/09.

**PREMIJER**

Datum, 16.04.2009. godine

Zenica

**Miralem Galijašević, s.r.**  
.....

**OGLASNI DIO**

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZAVIDOVIĆIMA  
Broj: 42 0 P 000569 07 P  
Zavidovići, 21.4.2009. godine

Općinski sud u Zavidovićima izdaje slijedeći:

**O G L A S**  
**O POSTAVLJANJU PRIVREMENOG ZASTUPNIKA**

Općinski sud u Zavidovićima, sudija Polić Zineta, u pravnoj stvari tužitelja Hasanović Rasima, iz Zavidovića, Dragovački put bb, koga zastupa punomoćnik Suljić Mirad, advokat iz Zavidovića, protiv tuženih 1. Petković Janje kći Jevte iz Žepča, Ljeskovića bb i 2. Petković Radice kći Mitra, posljednjeg poznatog prebivališta u Zavidovićima, Dragovac, sada nepoznatog boravišta, radi utvrdjenja prava vlasništva na parceli k.č. 873 zv. Dragovac, po kulturi voćnjak 4. klase, površine 912 m2, upisane u p.l. 533 k.o. Mustajbašići, postavio je tuženoj, rješenjem ovog suda 42 0 P 000569 07 P od 21.04.2009.godine, privremenog zastupnika u osobi Petković Janje kći Jevte, iz Žepča, Ljeskovića bb - majka tužene, a na osnovu čl. 296 st. 2 točka 4 Zakona o parničnom postupku FBiH.

Privremeni zastupnik će tuženog zastupati u ovoj pravnoj stvari dok se tuženi ili njegov punomoćnik ne pojave pred sudom, odnosno dok mu organ starateljstva ne postavi staratelja.

**S u d i j a**  
**Polić Zineta, s.r.**

.....

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U ZAVIDOVIĆIMA  
Broj: 42 0 P 000025 99 P  
Zavidovići, 28.04.2009. godine

Općinski sud u Zavidovićima izdaje slijedeći:

**O G L A S**  
**O POSTAVLJANJU PRIVREMENOG ZASTUPNIKA**

Općinski sud u Zavidovićima, sudija Polić Zineta, u pravnoj stvari tužitelja Ribić Zahira sin Osmana, iz Zavidovića, Dubravački put bb, protiv tuženog Dendić Jusufa sin Rame, posljednjeg poznatog prebivališta u Zavidovićima, Zavidovički put bb, sada nepoznatog boravišta, radi isplate duga u iznosu od 4.500,00 DM, postavio je tuženom, rješenjem ovog suda 42 0 P 000025 99 P od 28.04.2009. godine, privremenog zastupnika - Kantonalni zavod za pravnu pomoć Zenica, sa sjedištem u Zenici, ul. Kočevska čikma br. 1, a na osnovu čl. 296 st. 2 točka 4 Zakona o parničnom postupku FBiH.

Privremeni zastupnik će tuženog zastupati u ovoj pravnoj stvari dok se tuženi ili njegov punomoćnik ne pojave pred sudom, odnosno dok mu organ starateljstva ne postavi staratelja.

**S u d i j a**  
**Polić Zineta, s.r.**

.....

## SADRŽAJ

### SKUPŠTINA

151.	Zakon o porezu na imovinu, naslijeđe i poklon .....	649
152.	Zakon o izmjeni i dopuni Zakona o policijskim službenicima Zeničko-dobojskog kantona .....	654
153.	Zakon o izmjenama Zakona o unutrašnjim poslovima Zeničko-dobojskog kantona .....	654
154.	Zakon o izmjeni Zakona o policijskim službenicima Zeničko-dobojskog kantona.....	655

### VLADA

155.	Odluka o uvećanju sredstava u Budžetu Zeničko-dobojskog kantona za 2009. godinu broj:02-14-11479/09 od 16.04.2009. godine .....	655
156.	Odluka o uvećanju sredstava u Budžetu Zeničko-dobojskog kantona za 2009. godinu broj:02-14-11480/09 od 16.04.2009. godine .....	655
157.	Odluka o uvećanju sredstava u Budžetu Zeničko-dobojskog kantona za 2009. godinu broj:02-14-11481/09 od 16.04.2009. godine .....	656
158.	Odluka o odobravanju sredstava za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini .....	657
159.	Odluka o raspodjeli sredstava za klubove poslanika političkih stranaka za II kvartal 2009. godine .....	657
160.	Kriteriji za dodjelu stipendija redovnim studentima dodiplomskog studija sa područja Zeničko-dobojskog kantona u akademskoj 2008/2009. godini .....	658
161.	Rješenje o privremenom nominiranju za člana nadzornog odbora u „Natron – Hayat“ d.o.o. Maglaj .....	660
162.	Rješenje o razrješenju člana Upravnog odbora Agencije za privatizaciju Zeničko-dobojskog kantona .....	660
163.	Rješenje o razrješenju člana Školskog odbora Osnovne škole „9. septembar“, Medakovo, Tašanj .....	660
164.	Rješenje o razrješenju člana Školskog odbora Mješovite srednje škole „Nordbat-2“, Vareš .....	661
165.	Rješenje o razrješenju člana Školskog odbora Gimnazija „Muhsin Rizvić, Breza .....	661
166.	Rješenje o konačnom imenovanju člana Školskog odbora Gimnazija „Muhsin Rizvić“, Breza .....	661
OGLASI.....		662

